

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 24. stav (2) Zakona o ravnopravnosti spolova u Bosni i Hercegovini („Službeni glasnik BiH“, broj: 16/03, 102/09 i 32/10), Gender Akcionog plana Bosne i Hercegovine za period 2018.-2022. godine („Službeni glasnik BiH“, broj: 89/18), člana 21. tačka 4) i člana 116. stav (2) Statuta Grada Zenica („Službene novine Grada Zenica“, broj: 5/15), te člana 36. i 37. Poslovnika Gradskog vijeća („Službene novine Grada Zenica“, broj: 4/17 i 4/20), Gradsko vijeće Zenica, na \_\_\_\_ sjednici, održanoj dana \_\_\_\_\_ 2021. godine, donijelo je

### **ODLUKU**

**o pristupanju izradi Gender akcionog plana Grada Zenica za period 2021.-2024. godine**

#### **Član 1.**

Grad Zenica, u cilju poduzimanja odgovarajućih i potrebnih mjera radi provođenja odredbi Zakona o ravnopravnosti spolova u Bosni i Hercegovini i Gender akcionog plana Bosne i Hercegovine, pristupa izradi Gender akcionog plana Grada Zenica za period 2021.-2024. godine.

#### **Član 2.**

Ovlašćuje se Gradonačelnik da donese rješenje o imenovanju interresorne radne grupe, sa zadatkom izrade Gender akcionog plana Grada Zenica za period 2021.-2024. godine. Prilikom formiranja radne grupe potrebno je obezbijediti zastupljenost članova Komisije za ravnopravnost spolova, predstavnika institucija u oblasti zdravstva i socijalne zaštite na području Grada Zenica, te predstavnika nevladinog sektora, koji se u svom radu bave problematikom rodne ravnopravnosti.

#### **Član 3.**

Dinamika donošenja Plana utvrđena je Termin planom, koji je sastavni dio ove Odluke.

#### **Član 4.**

Ova Odluka stupa na snagu danom donošenja, a biće objavljena u „Službenim novinama Grada Zenica“.

Broj: 01-\_\_\_\_\_/21  
Zenica, \_\_\_\_\_ 2021. godine

ZAMJENIK PREDSJEDAVAJUĆEG  
GRADSKOG VIJEĆA ZENICA

Mirza Husetić

**TERMIN PLAN**

	<b>AKTIVNOST</b>	<b>NOSILAC</b>	<b>ROK</b>
<b>1.</b>	<i>Rješenje o imenovanju Radne grupe</i>	<i>Gradonačelnik</i>	<i>30 dana</i>
<b>2.</b>	<i>Radna verzija GAP-a</i>	<i>Radna grupa</i>	<i>30. septembar</i>
<b>3.</b>	<i>Nacrt GAP-a</i>	<i>Radna grupa</i>	<i>15. oktobar</i>
<b>4.</b>	<i>Utvrdjivanje Nacrta GAP-a na GV</i>	<i>Gradsko vijeće</i>	<i>31. oktobar</i>
<b>5.</b>	<i>Javna rasprava</i>	<i>Gradsko vijeće Stručna služba GV</i>	<i>15. novembar</i>
<b>6.</b>	<i>Prijedlog Gender akcionog plana</i>	<i>Radna grupa</i>	<i>30. novembar</i>
<b>7.</b>	<i>Usvajanje Prijedloga GAP-a</i>	<i>Gradsko vijeće</i>	<i>15. decembar</i>

## **O b r a z l o ž e n j e**

### **I – PRAVNI OSNOV**

Pravni osnov za donošenje Odluke o pristupanju izradi Gender akcionog plana Grada Zenica sadržan je u odredbama člana 13. Zakona o principima lokalne samouprave („Službene novine Federacije BiH“, broj: 49/06 i 51/09), člana 24. stav (2) Zakona o ravnopravnosti spolova u Bosni i Hercegovini („Službeni glasnik BiH“, broj: 16/03, 102/09 i 32/10), Gender Akcionog plana Bosne i Hercegovine za period 2018.-2022. godine, člana 21. tačka 4) i člana 116. stav (2) Statuta Grada Zenica („Službene novine Grada Zenica“, broj: 5/15), te člana 36. i člana 37. Poslovnika Gradskog vijeća („Službene novine Grada Zenica“, broj: 4/17). U članu 13. stav (1) Zakona o principima lokalne samouprave propisano je da je organ odlučivanja jedinice lokalne samouprave općinsko vijeće u općini, a gradsko vijeće u gradu. U stavu 2. istog člana propisane su nadležnosti Vijeća. U članu 24. stav (2) Zakona o ravnopravnosti spolova u Bosni i Hercegovini („Službeni glasnik BiH“, broj: 16/03, 102/09 i 32/10) propisano je: „Sastavni dio programa mjera radi postizanja ravnopravnosti spolova u svim oblastima uključuje, ali se ne ograničava na: a) analizu stanja spolova u određenoj oblasti; b) **implementaciju donesenih državnih politika kroz akcione planove za ravnopravnost spolova**; mjere za otklanjanje uočene neravnopravnosti spolova u određenoj oblasti.”

Gender akcioni plan BiH je okvirni strateški dokument kojim se daju smjernice za izradu operativnih planova institucija na svim nivoima organizacije vlasti u BiH. Struktura GAP-a BiH za period od 2018. do 2022. oslanja se na strateške ciljeve, prioritete i mjere prethodnog GAP-a BiH za period od 2013. do 2017. godine, državnu i entitetske strategije razvoja, Strategiju za ravnopravnost muškaraca i žena Evropske unije i druge relevantne strateške dokumente Vijeća Evrope, Evropske unije i Ujedinjenih naroda.

Članom 21. tačka 4) Statuta Grada Zenica („Službene novine Grada Zenica“, broj: 5/15) propisano je da Gradsko vijeće u okviru svoje nadležnosti: „utvrđuje politiku Grada u okviru svoje nadležnosti i prati njeno ostvarivanje”. Članom 116. stav (2) Statuta propisano je da Vijeće donosi sljedeće propise: Statut, Budžet, planske dokumente, odluke... Članom 36. Poslovnika Gradskog vijeća propisano je da „u okviru svojih prava i dužnosti Vijeće donosi odluke, planove...”.

Članom 37. propisano je da se odluka donosi kao opći akt ostvarivanja prava i dužnosti vijeća, kao akt izvršenja zakona i kao akt utvrđivanja unutrašnje organizacije i reguliranja odnosa u Gradu.

### **II – RAZLOZI ZA DONOŠENJE**

Grad Zenica nema usvojen gender akcioni plan. Ranije usvojeni gender akcioni plan važio je za period 2013.-2017. godine.

### **III – SREDSTVA ZA REALIZACIJU**

Za provođenje ove odluke nisu potrebna finansijska sredstva.

### **IV – RAZLOZI ZA DONOŠENJE PO SKRAĆENOM POSTUPKU**

Radi se o kratkom i jasnom aktu za koji nije potrebno provođenje posebne rasprave i dostavljanje akta u formi nacрта.

KOMISIJA ZA RAVNOPRAVNOST SPOLOVA